

Daengngoenz Caeuq Ronghndwen Doxceng

Haemq nanz haemq nanz gaxgonq, daengngoenz caeuq ronghndwen dwg doiq ien 'gya he. Miz ngoenz he, song boux de youh doxceng lo: "Ronghndwen, mwngz mbouj beij gou youqgaenj, mwngz roengzbae ba!" "Gou beij mwngz youqgaenj!" Ronghndwen fanjbuek naeuz. Ndaundeiq yawj mbouj roengzbae lo, buet gvaqbae naeuz: "Sou gaej ceng lo! Hixnaengz sou bae cam gij vunz gij doenghduz doenghgo gwnz digiuz ba, yawj sou byawz engq youqgaenj." Ndaundeiq ngamq gangj sat, daengngoenz caeuq ronghndwen buet bae gwnz digiuz lo.

Daengngoenz ra daengz boux vunz he cam: "Mwngz naeuz gou youqgaenj roxnaeuz ndaek ronghndwen youqgaenj?" Boux vunz haenx naeuz: "Mwngz youqgaenj, mbouj miz mwngz couh mbouj miz digiuz." Dingq gij vah neix, daengngoenz riu lo. Gvaq yaep he, boux vunz haenx youh naeuz: "Hoeng mbouj miz ronghndwen hix mbouj miz digiuz." Aen najriu daengngoenz gyaenj youq lo. Daengngoenz gig mbouj fugheiq, gietdingh bae cam ndaundeiq.

"Ndaundeiq, gij vunz gwnz digiuz hawj mbouj ndaej dapanq hawj dou." Daengngoenz caeuq ronghndwen hujdengdeng dwk naeuz. "Yienghneix sou couh boux he lienx guhhong caet ngoenz, yawj byawz engq youqgaenj." Ndaundeiq saenzmaed dwk riu naeuz.

"Ndei ba." Gangj sat, gyoengqde couh caigienx gietdingh sawhingz daeuj dingh boux lawz guh gonq. Doeklaeng doengngoenz hingz lo.



Daengngoenz hainduj guhhong, de yungh caenh gij rengz de fat ok rongh caeuq ndat, de gag siengi: Hawj sou yawjyawj gij bonjsaeh gou. Ngamq hainduj, gyoengqvunz lumj bingzseiz nei mbouj roxninh miz maz mbouj doengz, hoeng daengz ngoenz daihsam, gyoengqvunz couh raen mbouj ndei lo. Gyoengqvunz gaenq haemq nanz mbouj ndaej ninz lo, daengx ngoenz mbouj miz cingsaenz, gvaengz da cungj ndaem lo. Ndaw dah raemx mboek lo, bya ndaw dah deng cik ndaej cug lo, roeggyaeujmeuz simgip dwk caj gyanghwnz doenghduz okdaeuj, gaeb ndaej saek duz daeuj gwn. Hoeng ndit daengngoenz rongh ndat, gyanghwnz cungj mbouj daeujdaengz, de simgip dwk hemq: "Yaek iek dai gou lo, gyanghwnz baenzlawz lij caengz daeujdaengz ha."

Ndaundeiq yawjraen le, doiq daengngoenz naeuz: "Daengngoenz ha, caet ngoenz hix ca mbouj geij lai lo, couh hawj ronghndwen guh ba." "Ndei ba." Daengngoenz sikhaek roengzbya lo.

Mwh ronghndwen guhhong daengz ngoenz daihseiq, digiuz youh yaek dingj mbouj ndaej lo. Vwnhdu gwnz digiuz doek roengz gig daemq, doengh gij va gij faex cungj reuq lo, vunz caeuq doenghduz hix mbouj miz cingsaenz, naiqnuknuk, lwgda



gawhgwgdwd.

Ndaundeiq raen le, gipmuengz naeuz: "Ronghndwen, mwngz gaej guhhong lo, digiuz yaek deng mwngz guh vaih lo." Ronghndwen dingq ndaundeiq baenzneix gangj le, ganjgip dingz roengzdaeuj.

Ndaundeiq doiq gyoengqde naeuz: "Song boux sou ha, gak boux gag miz gij ndei swheij, hix gag miz gij mbouj ndei swheij, cijmiz sou doxhuz doxdei, cijndaej sawj lajbiengz engq gyaunde." Daengngoenz caeuq ronghndwen dingq le gig najmong, naj cungj nding lo. Song boux de vih swheij moegloet caeuq mbouj roxsoq gamjdaengz najmong, ceng dwk yiengq diqueng gangj doiq mbouj hwnj, doeklaeng doxyawj riu lo, fwngz gaem fwngz byaij bae lo.

Daj seizde hwnj, daengngoenz caeuq ronghndwen baenz song beixnuengx gig doxndei, doxgap guhhong, ciuq rongh digiuz.

(roek nienzgaep Lij Mingzvej)



Gou Dwg Boux "Maez" He 我是一个“迷”

gou cingq lienx veh veh, veh dwk veh dwk, gou lumz seizgan, gijmaz cungj lumz lo, doeklaeng veh sat le, gou yawj seizgan, va, gaenq cibngeih diemj buenq lo, gou ganjgip bae gwn ngaiz. Gou buet daengz naj daizgwnhaeux, raen daxbuz cingq yaek sou vanj lo.

Daxboh naeuz gou dwg boux "maez doegsaw" he. Miz baez he, gou gwn haeuxcaeuz le, gou haeuj ndaw rug bae, gaem bonjsaw he daeuj yawj, ndaw saw gig mizyinx, sawj gou dingz mbouj roengzdaeuj, seizgan it faen it miux gvaqbae lo,

gou yawj sat bonj saw neix lo, gou baez yawj seizgan, dai lo, yaek daengz gyanghwnz cibngeih diemj cung lo, gou ganjgip hwnj mbonq ninz.

Dahcej naeuz gou dwg boux "maez diuqfoux" he. Moix aen singhgizroek, gou cungj bae bandiuqfoux hag diuqfoux. Moix baez hag dungcoz moq, gou cungj nyinhcaen lienx.

Gyoengq baengzyoux, dingq gou gag gaisau le, sou naeuz gou dwg "maez" gijmaz ne?

(sam nienzgaep Cwnz Swjloz)

Byoem ndaemndwt raezram, bwnda gunggedged, lwgda ndaemrongh, gyahwnj bakmbaeu bakvan, neix couh dwg gou—Cwnz Swjloz.

Daxmeh naeuz gou dwg boux "maez meijsuz" he. Miz ngoenz he,

sij cozvwnz cingzgingj

Ndaw Godangz Geqnaeuz 课堂上的倾诉

"Liuz Yenz, Ciuh Yiluz miz gij binjci baenzneix sang, cigndaej vunz gingqboiq. Ndaw lauxsae son gvaq raeuz haenx, mwngz ceiq boiqfug byawz?" Dangz Dahaij ga ndeu caij youq gwnz aen cuzgiuz, fwngz he dingj youq gwnz daiz, saenzsaenz maedmaed dwk cam. "Mwngz naeuz ne?" Liuz Yenz fanjcam de. "Yenz lauxsae!" Dangz Dahaij siengj hix mbouj siengj couh gangj ok bak. "Gou lij dwg haemq boiqfug Lij lauxsae." Liuz Yenz nyinhcaen dwk han naeuz.

Song vunz cungj genhciz gij yigen swheij, byawz hix gangjfug mbouj ndaej byawz.

Gij cenglwnh song boux de yinx daeuj haujai doengzhag. "Dangz Dahaij, mwngz dwg mbouj dwg deng Yenz lauxsae baebingz lai lo, seizneix siengj bungjbauq ha?" "Bouxgvejmaj" Liuz Yenz itmienh naeuz, itmienh cez lwgda coh Dangz Dahaij. Dangz Dahaij baez dingq, roxninh deng vunz riu lo, song lwgda lumj yaek boq feiz okdaeuj nei, baez haebheuj, couh



dik aen cuzgiuz laj din daengz henz gyangjdaiz bae, caeuq Liuz Yenz ceng hwnjdaeuj, ceng ndaej byawz hix mbouj nyienh byawz.

"Linglingling..." Hwnjdangz lo, gyoengq doengzhag cungj naengh dauq dieгнаengh swheij, ndaw gyausiz sawqmwh dinghrwd-rwd lo.

(2)

Lingzlwg Ndaem Makleiz

小猴子种梨树

Lingzlwg ndaem go miuzmakleiz ndeu, ngoenzngoenz rwed raemx, dwk bwnh, caj daengzcog miz makleiz gwn.

Mwh goleiz cingq majhung, duz roegga he "gaga" doiq lingzlwg naeuz: "Daegnuengx ha daegnuengx, mwngz baenzlawz ndaem goleiz ne? Goleiz yaek caj haj bi cij dawzmak, mwngz caj ndaej lwi?" Lingzlwg riuriu mbouj dap, roegga ngauzngauz gyauej, mbin bae lo.

Duz roeggacak he mbin daeuj lo, "cici caca" hemq dwk, genyi lingzlwg ndaem godauz. Lingzlwg naeuz de nyi swheij daegbied siengj gwn makleiz. "Lwg huk neix." Roeggacak bekbek gaiqfwd mbin bae lo.

Duz roegdingheng he "gugu" hemq dwk heuh lingzlwg gaij ndaem gomakinghdauz, naeuz makyinh-dauz ndei gwn raixcaix. Lingzlwg miz leix dwk naeuz: "Daxgux roegdingheng, docih mwngz! Hoeng gou rox 'yinghdauz ndei gwn faex nanz ndaem'."

Gvaq song bi daengz ndwenloeg, miz ngoenz ndeu, ndit ndat baenz feiz, lingzlwg cingj roegga, roeggacak, roegdingheng daeuj gwn makleiz de ndaem haenx, yawj makleiz hung-gyaeng venj gwnz goleiz, gyoengqde cungj gig doeksaet. Lingzlwg naeuz de ndaem haenx dwg cungj mak binjcungj moq cug caeux he, heuh "ndwenloegvan".

(seiq nienzgaep Yez Youhcenh)